

欽定剿平粵匪方略

欽定勦平粵匪方略卷二百十四 己未年

二月初二日癸卯和春奏言金陵逆匪於正月初

二日由聚寶通濟各門竄出二三千名窺伺南路  
路張國樑駐紮安德門該逆偵知有備鼠竄而  
回我師兩路跟追殲斃甚多初五日復由朝陽  
門竄出數股總兵熊天喜督兵擊回該逆潛匿  
不敢出巢據上游水師總兵李德麟稟稱上年

十一月二十九十二月初一日該逆或由銅陵  
出撲大通或由池州偷渡土橋均經守備蔡占  
春等先後擊退初八日復以大股二三千竄犯  
舊縣經該鎮率隊接仗逆勢潰退二十七日攔  
江磯以上又有賊划八十餘隻乘風下駛該處  
水師相持鏖戰無爲州知州葉藩率領礮划隨  
同夾擊轟沈賊船二十餘隻又據水師總兵吳

全美稟報黃池南陵之賊陸續歸併蕪湖繁昌  
後圖撲水營參將李起高等帶兵迎勦四面包  
抄斃賊不可勝計餘皆竄遁並上游探報甯國  
逆股由護駕墩搭造浮橋聲言又欲內竄小丹  
陽暨高淳東壩等處逆蹤飄忽避實擊虛卽檄  
飭留守總兵張玉良周天培等嚴防要隘不得  
稍有疏虞一面會商提督鄭魁士相機進勦灣

汎黃池以固藩籬奏入報

初三日甲辰德興阿奏言查六合城內前報添賊

數千人近又調二三千名赴浦口來去無常該處雖一縣城而南則有金陵之援西北則有和全之援添益賊黨勢所不免統計江北馬步兵勇不過一萬四五千人防勦實難兼顧六合一

城刻尙未能合圍上年荷蒙

天恩添派幫辦三員每苦兵力不敷雖分撥數營責令  
管帶恆不能盡其所長臣與鞠殿華等籌思必  
得添募壯勇數千人合之現有馬步各兵方敷  
堵勦奏入

上命軍機大臣傳諭德興阿曰現在六合賊黨日添恐  
其伺隙紛竄德興阿擬添募壯勇數千人以資堵勦

著准其卽行添募惟所募之勇務須技藝嫻熟年力  
精壯者方可望其摧堅陷銳儻徒事貪多濫行招致  
不獨臨敵之時慮其潰散且當此軍需支絀豈容以  
有用之餉養無益之兵著德興阿覈實辦理毋涉虛  
糜至六合縣城不克則金陵接濟不斷於江北軍務  
大有關繫該大臣以全力攻此一邑何竟日久無功  
著卽督飭將士實力攻勦速籌克復

同日王懿德奏言連城一縣被逆踞守連日接  
據臬司裕鐸署總兵豫祺等稟報上年十二月  
二十二日豫祺等由姑田移營進紮金雞嶺一  
帶該逆卽於二十五日糾集大夥由陳地壩分  
路撲犯營壘總兵豫祺副將王捷元等揮令遊  
擊趙連等帶兵抵禦斃匪甚多二十八九等日  
該逆又糾黨圍劫營盤我軍先經整備奮勇擊

退該逆復由山背小路包抄豫祺等卽派遊擊  
何學炳等分路截擊陣斬匪黨一百餘名賊勢  
漸形窮蹙亟應乘此聲威約會各軍合力攻勦  
立拔堅城以期肅清全境奏入報

初五日丙午和春奏言查擒首薛之元現在獻出  
江浦縣城復與參將李世忠會復浦口該兩城

雖經收復惟德興阿一軍移禁獵于鋪地方未能得力且近時舉動益形乖謬以致軍無鬪志怨謗叢生若再以江浦浦口之事責令守禦儻逆匪盡銳東趨必又以衆寡不敵爲詞復踏上年故轍臣與德興阿共事兩載從無閒言前者浦營之變臣等先後分兵援應尙冀其力圖振作漸復舊規乃該大臣旣潰敗於前復遷延於

後縱寇殃民實出情理之外不敢不據實密陳  
和春又奏言准浙江提督鄭魁士總兵張玉良  
等稟報南陵西河一帶逆匪因官兵步步進逼  
不敢久踞均已遠颺分股竄併蕪湖太平老巢  
其灣沚黃池之賊亦卽同時擊散鄭魁士擬卽  
會同水陸各鎮三路進兵規取蕪太一面咨令  
提督周天愛由池州青陽一路轉戰而前所辦

甚合機宜惟刻下浦口江浦各城甫經收復所有皖南之賊勢必紛紛北渡援應金陵臣已於高淳甯國留防兵勇內抽調數千前來金陵分遣渡江仍飭鄭魁士等就現在兵力相機督飭分勦以冀肅清皖南東路奏入

上命軍機大臣傳諭和春張國樑許乃釗曰現在江浦浦口均經收復六合賊勢已孤張國樑即可親往六

合大營周歷布置惟南岸軍務緊要該提督亦未便  
久離著和春於在營提鎮中慎選有謀有勇之員可  
以獨當一面者迅速奏明作爲該大臣幫辦令其分  
駐江北專督北岸諸軍俾張國樑得以南北兼顧至  
江北大營旣無欽差大臣所有原派幫辦之鞠殿華  
成明毛三元自應一併撤銷著和春詳加察看該員  
等何人尙能得力卽留於北岸幫同和春奏派之員

督兵進剿其不能得力者卽行奏明撤退德興阿所  
領欽差大臣關防並著和春派員護送進京至蕪湖  
太平爲金陵屏蔽該逆接濟皆由此路若能將蕪湖  
池州攻復則賊勢自蹙南陵等處逆衆旣已遠颺鄭  
魁士周天受現已分路進兵卽著實力進攻斷絕賊  
援以爲攻拔金陵之計

上諭內閣曰前因浦口兵潰江浦揚州等城相繼失守

業將欽差大臣正白旗蒙古都統德興阿革職留任  
並拔去花翎革去騎都尉世職仍責令督辦江北軍  
務原冀其自知愧奮勉贖前愆乃揚州儀徵經張國  
樑督兵克復後德興阿尙復觀望遷延屢經嚴諭切  
責始往六合紮營日久無功未能收復德興阿著卽  
革任來京所有江北軍營馬步官兵著統歸和春節

制

初七日 戊申 勝保翁同書奏言查江浦縣賊首薛

之元獻出江浦縣城後卽會同參將李世忠等分路直抵浦口該逆擁衆出拒李世忠等直前鏖戰乘勢端毀賊營二座遂由西關衝入立將浦口要隘克復現已飭李世忠等就此得勝之師新降之衆乘勢進攻高旺石磧橋一帶賊營以期一鼓而下直擣和州奏入

上命軍機大臣傳諭勝保翁同書曰現在德興阿一軍歸併和春統率張國樑尙在江北乘此聲威正可圖克六合投誠之薛成良所部亦可令其會攻六合勝保本欲令李世忠將高旺石磧橋賊營攻毀進規和州惟六合一城關繫緊要如能攻克則來安天長無庸設兵防守即可移兵進剿全椒和州等處著勝保酌度情形先令李世忠隨同張國樑等攻克六合再

行前往全和較爲便捷至此次攻克二城勝保所派  
官兵及李世忠部下出力弁兵仍著勝保查明酌保  
上又命軍機大臣傳諭和春張國樑許乃鍾曰現在德  
興阿革任後和春總統南北諸軍接奉前旨自當通  
籌全局力圖整頓德興阿所統江北全軍爲數不少  
張國樑現在江北正可乘此銳氣督率各軍並令薛  
成良新降之衆同擣六合迅速攻克以孤金陵之勢

至李世忠一軍勝保本欲令其進取和州似應先行  
助勦六合亦經諭知勝保酌量辦理

初十日辛亥王懿德奏言據臬司裕鐸署總兵豫

祺等稟報本年正月初九日參將袁良等帶勇  
馳赴連城縣境城賊擁出數千我軍爭先痛剿  
擊斃逆匪二三百名該逆四面圍裹兵勇被其  
包抄後路接應不及幸袁良勇氣百倍督隊痛

擊斬獲長髮賊匪不計其數初十日豫祺等復  
派各軍出隊合攻該逆傾巢出撲被我軍奮勇  
攻擊斃賊無算餘匪由四堡北路竄逃卽於正  
月初十日收復城池刻下閩省被擾各郡縣均  
已一律收復順昌邵武等處各股首亦經陸續  
悔罪投誠海疆重地可期全境乂安此次攻克  
連城之候補參將袁良最爲勇往相應仰懇先

行

賞加勇號以昭激勸奏八

上諭內閣曰此次官軍克復連城閩省地方可期全境  
謐安辦理尙爲妥協候補參將袁良督兵進剿尤爲  
出力著賞給堅勇巴圖魯名號其餘出力員弁兵勇  
准由該督等覈實保奏仍著督飭臬司裕鐸署總兵  
豫祺等將竄逃殘匪殲除淨盡以靖地方

同日勝保翁同書奏言查參將李世忠於克復  
浦口後二十八日卽乘勝帶兵攻勦江浦以西  
之高旺地方賊營甫抵該處卽見逆衆列隊迎  
敵我軍一鼓直前逆勢不支棄壘四散奔逃其  
時浦口敗殘匪衆又糾合小店賊衆數千瞰虛  
回撲浦口并命復擁入城適李世忠帶兵趕到  
分路圍攻該逆卽由西門撲出我兵奮勇衝擊

斃賊無算李世忠帶兵入城搜殺餘匪多名臣等已飭李世忠先行添兵暫紮浦口一面飛咨和春張國樑等嚴飭新江口一帶水師各隊就近聯絡聲勢互爲防勦

勝保又奏言查江浦浦口先後克復亟須守禦德興阿於上月二十九日馳抵江浦恐其兵力不足分守設或再有疏失前功又棄是以臣飭

令李世忠在彼固守惟慮賊時有蠢動此軍亦  
未便常留江北目下浦口一無賊蹤已商由德  
興阿迅速派兵駐守浦口要隘並飭李世忠俟  
將浦口防守事宜妥籌後卽將全隊抽撤回皖  
或令順擣全和或令會攻六邑由臣隨時相機  
辦理其江浦一城仍由臣酌撥官軍會合薛成  
良新附之衆併力協守奏入

命軍機大臣傳諭勝保翁同書曰浦口被匪撲入旋  
經李世忠等擊退必須重兵屯駐德興阿業經革任  
江北各軍均歸和春節制前諭和春等選擇謀勇兼  
優之大員前往江北統率德興阿一軍並以張國樑  
現在江北受降令其乘勝督兵進攻六合又諭勝保  
令李世忠隨同攻勦俟六合克復再赴全和等處該  
大臣諒已奉到諭旨卽行遵辦惟此時浦口被賊撲

八幸未再失所有江浦浦口二處必得和春等派兵  
前來守禦方能令李世忠助剿六合本日已諭和春  
酌辦其薛成良降衆亦著派令助剿六合至江浦一  
城江南派兵未到以前卽著勝保等酌派官軍會合  
薛成良新附之衆併力協守

上又命軍機大臣傳諭和春張國樑許乃釗曰本日據  
勝保等奏李世忠截勦浦口賊匪復獲大勝並請飭

德興阿派兵駐守浦口江浦浦口雖經克復而六合  
一邑尙爲賊踞亟應一面進攻一面分守江浦浦口  
以免賊匪復行竄踞勝保因廬州之賊時有蠢動李  
世忠一軍未便遽留江北商山德興阿派兵駐守令  
李世忠全隊抽撤回皖並酌撥官兵會合薛成良新  
附之衆協守江浦自係未知德興阿業經革任現在  
和春旣節制大江南北諸軍亟應迅派謀勇兼優之

員渡江督辦六合賊勢已孤且本有德興阿所帶官軍一經整頓自不難於克復江浦浦口爲金陵門戶賊所必爭和春調取甯國兵勇六千回營剋日渡江著卽責令統兵各員督同薛成良降衆分守兩城毋令再有疏失一面督飭各軍進取六合如能肅清北岸則勦辦自易得手

十一日壬子楊載福奏言查安慶解圍後賊復分

股四出 臣當派副將李成謀遊擊劉正隆等趕  
赴武漢蘄黃一帶巡防江面 臣親督各營駐紮  
黃石磯所有長江各要口均已節節嚴防略無  
罅隙 安慶以上沿江兩岸無賊 臣不時派隊攻  
擊皖城 該逆負固不出復於安慶下游據有民  
划改作礮船希圖偷襲並探聞首逆陳玉城大  
股上犯楚疆 臣卽於正月初八日起時時派隊

薄城以牽賊勢十三日該逆藏船渡江我軍出  
城不意突前轟擊奪獲礮船十四號擊斃賊匪  
多名臣仍嚴飭各營密防南北兩岸其現駐黃  
石磯觀音洲兩處戰船時復調派出擊以期迅  
克安慶奏入報

聞

十二日癸丑鄭魁士奏言查灣沚黃池爲皖南第

一要區臣於二十三日進剿灣沚派參將鄭朝棟遊擊張順和等率部由右路進臣親督副將朱承先等由中路進該逆負嵎死拒經鄭朝棟張順和等軍奮力直前乘勢撲壓約斃賊匪八九百名復經臣親督各軍擊剿該逆卽棄壘逃竄於二十四日將灣沚收復其時黃池之賊甚屬驚惶臣卽飭副將朱承先等各帶所部扼紮

灣沚一面親率各軍於二十五日馳抵黃池先  
將南岸賊壘八座毀平北岸尙有賊壘自當節  
節埽蕩迅圖攻取所有此次在事出力文武員  
弁兵勇可否擇尤請獎出自

天恩奏八

上諭內閣曰此次官軍克復灣沚並埽平黃池南岸賊  
壘其北岸賊壘仍著鄭魁士乘此軍威迅圖肅清所

有此次出力文武員弁兵勇准其擇尤保奏

十四日乙卯者齡奏言查江西信豐被圍賊衆兵

單援師驟難得手總兵遮克敦布等進勦獲勝

斃賊數百人該逆糾合南安賊黨數萬踞險抗

拒致難即解城圍其南安府城自被賊轟陷文

武員弁均無下落經臣飭令署南康縣卽補知

府周汝筠督勇堵勦大庾等縣逆匪連次打仗

傷斃賊匪甚多逆衆因南康堵勦嚴密遂分股  
竄伺崇義該處防兵衆寡不敵於上年十二月  
初九日猝被攻陷上猶龍泉吉安亦俱喫重當  
飭周汝筠速撥康勇前往救援我軍分路前進  
會同千總孫掄元等馳抵上猶立將擣城逆匪  
全行擊退臣仍飭令該軍激勵上猶南康龍泉  
三縣練勇會攻崇義縣城總兵遮克敦布已由

賴郡親往信豐督戰道員蕭啟江之果字營亦  
於正月初八日抵賴卽赴信邑會勦署崇義縣  
知縣朱淵失守縣城雖因寡不敵衆究屬守禦  
不力咎有應得相應請

旨將朱淵先行革職帶罪隨營攻勦以觀後效奏入  
上諭內閣曰此次官軍援剿信豐等處獲勝賊匪分竄  
崇義署崇義縣知縣朱淵於匪衆撲城時督勇迎擊

雖因衆寡不敵究屬守禦不嚴以致縣城失陷著先行革職仍責令帶罪隨營以觀後效儻再不知愧奮卽著嚴參治罪

耆齡又奏言查江西省城南有贛南大股逆匪北有饒州景德鎮巨寇福建連城縣踞賊亦尙不少而江省之撫州建昌甯都三府州適處其中三面受敵防範稍疏卽虞闖入前派候補道

劉長佑一軍分駐新城等縣以衛撫建邊疆乃  
因士卒染患疾疫幾至不能成軍幸曾國藩派  
勇赴閩援勦紮老營於建昌撫州一帶得以捍  
衛鎮定前接曾國藩來咨擬卽移紮九江府屬  
之湖口等縣奏調察哈爾馬匹添練馬隊與北  
岸湖北諸軍以次規復皖省金陵囑臣另派兵  
勇防守建昌但調取馬匹訓練成軍非頃刻所

能辦竣而撫建甯三屬鄰氛環伺不可一日無  
重兵駐守曾國藩一軍與其先行移紮湖口以  
待馬隊何如暫留建郡以固江省要隘當經臣  
函商曾國藩暫緩拔營一面札催劉長佑趕緊  
添募勁勇填紮撫建要隘以便曾國藩移營尋  
江庶於戰守兩有裨益奏入報

同日張芾奏言婺源爲徽郡西南緊要門戶自上年八月失守後經皖南鎮總兵江長貴密派得力將弁斷其接濟督隊更番疊進適衢州鎮總兵李定太率師來會聲勢更壯正月二十九等日屢獲大勝二月初一日江長貴會約各軍分路進逼鑾戰七時之久斬隘直入立復縣城我軍乘夜尾追復將高沙賊壘一律毀平餘

匪由西路竄逸非歸併江西景德鎮卽恐闖入  
祁門建德邊境當卽飛檄江長貴等分扼要隘  
仍探賊所至派隊堵截以杜旁竄至接仗克復  
詳細情形循案咨由浙江撫臣覈明具奏奏八  
上命軍機大臣傳諭張芾曰張芾以候補京卿督辦徽  
郡防務駐紮該處見聞較確軍情旦夕變遷若事事  
咨由浙江巡撫轉奏未免有稽時日嗣後遇有緊要

軍情卽著張芾隨時專摺奏報以重軍務而免稽延  
上諭內閣曰此次皖軍攻克婺源縣城復將高沙賊壘  
一律毀平餘匪向西路竄逃著張芾仍嚴飭在防將  
弁探明賊竄何處一面嚴扼要隘一面分投追剿以  
期盡埽賊氛

十六日丁翁同書奏言昨接勝保來函知浦口  
係李世忠分軍駐守德興阿一軍正攻六合尙

未克復勝保擬由竹鎮集汎澗赴天長盱眙一  
行卽當折回定遠臣又據已革藩司李孟羣於

二月初三日稟報並先後接據各路探報舒桐

酒太逆匪偵知楚軍復由宿松進兵遂糾約僞

中軍將陳玉城等分路拒敵並有僞札調賊分

爲三路一由廬州西竄一由舒城之中梅河竄

撲六安一由潛山竄撲霍山再行合夥由商城

邊界繞出麻城以爲牽掣楚軍之計嗣又接南路探報潛山逆匪擁衆萬餘竄至霍山之管家渡揚言欲由霍六一帶竄往商城又云欲由葉家渡直撲固始此股逆匪卽逆賊陳玉城所帶最爲兇悍風聞已竄至霍山又據李孟羣飛稟南路潛山霍山賊匪突撲六安州該革員聞警卽派知府袁懷忠帶隊往援行抵三十里鋪卽

聞該匪於初四日晚間已進州城袁懷忠將所  
帶弁勇分紮七里墩一帶卽當設法進攻臣伏  
思六安州甫經兵燹又爲該匪闖入自因楚師  
雲集由宿松轉戰而上該匪乘虛鋌走勢所必  
然兼之江浦來歸賊所深恨又將攻我所必救  
以牽我之兵力賊勢狼狽未可輕視臣一面飛  
飭新到之川兵暫留壽州境內協同李孟羣進

勦一面飛咨勝保速回定遠籌議添兵會勦奏

八

上命軍機大臣傳諭勝保翁同書曰逆賊因楚軍自宿  
松上勦兼之江浦來歸勢急紛竄以冀牽掣我兵六  
安州城收復未久復被賊陷自應趕緊堵勦本日已  
諭官文胡林翼恆福分路兜截並諭傅振邦伊興額  
派兵進勦勝保現由竹鎮集汊澗赴天長町賈著卽

折回定遠督飭各軍奮力勦擊迅克州城李孟羣一  
軍恐不足勦辦六安之賊著勝保翁同書迅派弁兵  
馳往協勦毋令該匪久踞並查明文武下落具奏本  
日據德興阿奮力勦洗計日可以克復著勝保仍遵前  
經德興阿奮力勦洗計日可以克復著勝保仍遵前  
旨飭令李世忠協力攻勦毋稍遲延

上又命軍機大臣傳諭官文胡林翼恆福曰六安州甫

經收復又被粵逆竄入翁同書現咨商勝保回定遠  
勦辦惟此股本係舒桐潛太匪黨知楚軍由宿松進  
兵因分路竄擾先有竄霍山後再行合夥由商城邊  
界繞出麻城牽掣楚軍之信嗣又有由葉家渡圖撲  
固始之語此股逆首陳玉城最爲兇悍今旣竄陷六  
安楚豫邊界亟應一律堵勦湖北官軍本由宿松進  
剿著官文胡林翼督飭多隆阿等確探賊蹤迅卽進

兵勦捕該匪以數萬計必須厚集兵力方能有濟並著恆福於商固一帶添兵堵禦一面商同勝保傅振邦等不分畛域聯絡一氣力遏該逆北竄之路

上又命軍機大臣傳諭傅振邦伊興額曰本日據翁同書奏潛霍大股賊匪由南路闖入六安又探聞悍賊陳玉城一股復竄至霍山並潛山逆匪擁衆萬餘欲由六霍一帶竄往商城固始等處亟須調兵攻勦已

諭知官文胡林翼恆福分路截擊惟皖豫交界防勦之處太多兵力仍形單薄傅振邦係督辦三省勦匪事宜尤應統籌兼顧著與伊興額撥兵會勦並著商同恆福務於河南一帶力遏該匪北竄之路

同日德興阿奏言查六合城外西南隅龍池地方尙有賊壘三座該逆派悍賊二千餘人踞守臣派副將馬德昭等分投前進卽將賊壘四面

兜圓逆衆支持不住直奔南門臣親督營總舒  
通額等迎勦我軍人人奮勇一往直前斃賊約  
一千餘名當將龍池賊壘三座一律踏平奏入  
報

聞

十八日己未胡林翼奏言據英山羅田麻城等縣  
稟報賊匪數萬人分股竄入霍山六安繞出黃

州之北面窺伺上游臣於二月十二日移營上  
巴河以期隨機防勦似不宜歸併下游致使兵  
勢偏重一隅僉賊匪竟由六安直犯麻城黃安  
則距太湖大營五六百里距黃州僅百餘里該  
郡現有兵六千人獨當一路尙堪抵禦如或分  
股竄擾屆期審實情形必須咨商官文都興阿  
於太湖各軍抽撥上援一俟上游無虞邊防稍

固再遣將抽兵分途進勦軍興九年每苦於偏  
城而壘一意攻堅士卒摧殘壯志暗消而主將  
不覺及至援賊大至另股乘虛旁竄必至貽誤  
事機是官軍注重於前而賊計必轉襲其後官  
軍每以仰攻挫銳賊計轉以餘力乘虛卽如七  
年官軍併力規宿松賊從蘄州張家塝乘閒竄  
八八年官軍併力規太湖於張家塝復設重兵

賊又從霍山商城以陷麻城黃安各縣備一路而虛一路輒多顧此失彼之虞往事已然前車可鑒現在太湖石牌之賊閉匿城中堅不出戰賊之狡計固欲以堅城挫傷士卒而轉於空虛不備之處乘閒抵隙狡焉思逞也默察情形賊已憑城設守必非近月所能奏功征皖必圖三路分進急切求才亦非近月所能酌定昨得都

興阿來函足疾稍痊暫不離營則前敵調度有人尙不慮其遷延觀望臣查黃州一郡形如圓甌其東爲黃梅與太湖宿松接壤其東而稍北爲蘄州蘄水又北而羅田其北則麻城黃安皆與六安霍山潛山英山商城固始接壤地勢散漫防不勝防是皖楚之要應以黃州爲適中安慶廬州六安未復則黃州宜設重防不僅目前

情形當以黃州爲根本也 臣若督兵前進轉恐  
援皖之師腹背受敵致使道路中梗餉糈缺乏  
實於下游軍情大有關礙且黃州一府財賦繁  
重甲於通省七年八年官軍血戰經營甫經底  
定得之甚難棄之可惜自以得尺則尺得寸則  
寸養賢致民慎固不失爲要務蓋必保楚然後  
能謀皖此又地勢兵勢之確切情形也惟鄂之

謀皖已歷有年因兵止一路總未得勢八年秋  
間分兵兩路已見功效然尙以賊衆兵單前功  
盡棄今則統將又弱一个兵力復不如前率意  
輕進後患滋甚臣愚以爲皖之地勢賊情非分  
三路併力進剿必難成功而鄂省現在防剿江  
皖水陸馬步已五萬餘人加以協濟侍郎曾國  
藩水師彭玉麟各營餉糈統計每月需銀三十

六萬兩每月自籌三十餘萬兩月欠十餘萬兩添兵則苦於餉糈之竭分兵又苦於統將之少湘中將才如江忠源羅澤南李續賓王鑑等連年彫謝急宜訪求造就庶幾繼起有人蓋地方得人則財用之源可開將領得人則兵可戰可守目下征皖之師必須統將中智略過人者分爲三路期以一二年委任而責以成功容臣次

第訪求專意延攬再行陳奏至鄂居皖省上游  
鄂軍得勢則地利人和較之他省情形迥異是  
討賊之責鄂省實無可推諉臣當與督臣專意  
籌商分別奏報奏入

上嘉之

欽定勦平粵匪方略卷二百十五 己未年

二月二十一日 壬戌官文都興阿胡林翼奏言查

楚北馬隊一軍從征五載除節次傷病遣撤及  
久戰力疲留營調養外現在得力堪戰者不足  
千名值此軍務緊要募勇教練實屬曠日需時  
未必卽爲可用必得添調馬隊方能制勝惟有

額懇

恩施俯准調取黑龍江西丹一千名詳慎選擇以勇敢  
樸誠熟悉槍箭者爲最臣等查現在軍營之候  
補副都統黑龍江協領巴揚阿辦事勤能擬卽  
令馳赴黑龍江隨同奕山認真選擇令其管帶  
來楚所需戰馬楚比現值兵增餉絀籌費維艱  
並懇

恩准飭令奕山率同巴揚阿選委委員在本地各城捐

辦戰馬二千匹如所捐未能足數再請於大凌  
河馬羣內撥給卽交巴揚阿率同西丹分批管  
解剋日馳抵楚北該處瘠苦之區西丹遠調來  
楚籌辦安家行裝川資殊費周章臣等現飭糧  
臺籌備銀二萬兩委員隨巴揚阿帶往交奕山  
查收轉發西丹爲安家行路之費以便剋日起  
程奏入

上命軍機大臣傳諭奕山曰楚省東征馬隊不足千名  
教練馬隊恐緩不濟急東三省騎兵素稱勇鷙官文  
等請飭調西丹一千名據稱已籌備銀二萬兩派協  
領巴揚阿帶往黑龍江爲此項西丹整裝之費黑龍  
江馬隊固稱得力惟新挑之西丹是否堪以出隊著  
奕山認真選擇如實有槍箭嫻熟堪資得力者卽著  
湊足一千名交巴揚阿管帶赴楚官文又請調戰馬

二千匹據稱卽在本地各城勸捐或在大凌河馬羣  
內撥給現在大凌河馬匹已屬無可再撥各城勸捐  
亦恐一時不能辦集著該將軍酌量辦理毋稍延誤  
官文又奏言查逆匪大股從潛山分竄霍山六  
安號稱四五萬衆已到六安該處爲直走羅田  
麻城之路當令李續宜於初十日拔營前紮黃  
州府屬之上巴河會同舒保馬隊視賊進犯何

路卽往何路迎勦胡林翼續由黃州前往策應  
其東面蘄水一帶仍飭唐訓方余際昌扼要防  
守並咨楊載福乘賊之虛以水師直攻安慶無  
如兵分則力不能厚路歧則防不能周胡林翼  
與李續宜前駐黃州之兵除分撥蔣凝學赴荆  
橋外實數甫及六千添募南勇尙未到齊而攻  
太湖之馬步各營數逾二萬悉在前敵聲勢萬

難聯絡賊分大股欲由羅麻窺我後路如果羅  
麻契緊尙須由太湖南前敵抽兵內援以固根本  
至太湖南岸湖口九江雖尙平靖惟江西景德  
鎮頻添賊衆勢甚鴟張非曾國藩速清南安餘  
匪回兵江省不能放心昨已由臣咨商江西撫  
臣抽撥潯江防兵分駐南北兩岸遙爲聲援逆  
首陳玉城最爲狡悍其石牌太湖等處堅守不

戰以詭計牽掣前敵諸軍而分悍賊潛出吾後  
其必欲逞志湖北已屬顯而易見故論楚北情  
形戰難於攻守難於勦議守方能議勦議戰方  
能議攻胡林翼沈毅有識能顧全局如徑入皖  
省前敵一路則楚境四面運掉不靈查黃州地  
處適中前後可以兼顧擬在黃州建立老營以  
李續宜專禦北路悍賊胡林翼仍往來調度策

應如能擊退竄賊李續宜移營於楚皖之交可以保固疆圉並可助太湖之勢節節進勦

同日勝保奏言查現在皖省全局悍賊堅踞廬郡南接巢全和含直達江浦浦口日聚日多竟有圖撲定遠之意目下自以堵擊廬逆竄路爲切要機宜臣現已折回池河扼要駐紮一俟臨鳳獻城後路無恐即可專意南勦合力大舉而

東南烏衣一鎮本係滁浦交界鎖鑰自江浦浦  
口連克後臣料該逆必不甘心前此密令參將  
李世忠留軍駐守浦口仍一面分兵堵禦烏衣  
以聯皖營聲勢詎該逆於初九日乘李世忠防  
軍未到以先卽將烏衣竄踞意在斷絕浦營餉  
道且自廬郡附近一帶調集匪黨糾合巢縣等  
處賊衆號稱數十萬前赴江浦浦口報復李世

忠浦口一軍受困萬分危急臣以浦口要地爲  
賊所必爭前已疊次飛咨江北幫辦軍務之鞠  
殿華成明速檄得力馬隊前往援勦一面咨明  
和春轉飭遵照臣亦卽由皖營選派精銳馬步  
疾馳而前直擣烏衣後路如此兩面夾攻庶使  
該逆腹背受敵不致以旣得之浦口復爲逆衆  
所踞至六安防勦事宜已由撫臣飭將新到川

兵暫留壽六交界協同李孟羣所派知府袁懷忠赴援之隊奮力進攻以期速圖規復均奏入報

二十二日癸亥和春奏言查江浦浦口兩城收復後業經飭派總兵李若珠周天培帶兵渡江並

由張國樑親赴該處相度布置擬自江浦以至

浦口分屯掘紮步步爲營然後開濠築牆以資  
抵禦金陵首逆始可坐困正在部署謀報皖北  
援賊十萬長驅下竄聲言攻撲江浦分股屯踞  
汊河口等處張國樑當飭李若珠等於二月初  
九日迎頭禦敵馬步更番衝盪該逆披靡不敢  
抵抗紛紛退敗十一日該逆又分六路直撲浦  
口李世忠營盤張國樑正在躍度形勢遙見賊

匪三股直犯浦營屯伏九里山截我進路當派  
李若珠等同時進剿張國樑親督各軍直前衝  
突賊勢辟易突有悍賊數千由九洑洲抄截後  
路兇僥甚張國樑卽飭劉萬德等整旅山岡  
槍礮轟擊該逆紛紛倒斃我師乘勝前驅直抵  
浦口時逆股圍營甚急官兵前後包抄斃賊二  
千餘名賊勢散而復聚分爲七股各居高阜大

半圍撲江浦東西北三門其餘並橫截浦口大道李若珠等各帶所部分路環攻周天培首先躍馬直擣中堅各軍乘勢搶上山岡殺賊無算時已薄暮收隊回營此次援賊合皖江南北各路暨黃池灣沚潰匪同時下竄不下七八萬人先經占踞烏衣鎮汊河口等處銳意攻奪江浦浦口以援金陵臣現已催趨後路官兵並檄調

東壩等處留防兵勇剋日渡江助戰以勦爲堵  
至江北軍務奉

旨由臣兼轄並

飭慎選在營提鎮一員分駐江北查有副都統富明阿  
沈毅善戰膽識俱優於比營地勢軍情尙能洞  
達合無仰懇

天恩俯准飭令幫辦臣營軍務仍由張國樑往來商辦

實於江北有裨

和春又奏言再幫辦軍務江南提督張國樑屢次督師進攻無不身先士卒謀勇素著上年秋閒大股逆匪直撲江浦浦口德興阿全軍潰散以致儀徵揚州相繼失陷該提督帶領官軍渡江援勦兩旬之間卽已次第克復使賊不致北竄辦理極其妥速嗣復督兵攻克溧水調度有

方厥功甚偉又候補提督廣西右江鎮總兵李  
若珠每戰必先素稱勇敢先經隨同張國樑連  
復揚州儀徵兩城繼又攻勦江甯鎮六郎橋等  
處逆匪斃賊甚衆亦屬勤勞卓著該二員應如  
何

量予獎勵之處恭候

聖裁奏入

上諭內閣曰江浦浦口兩城收復後皖北各路悍賊及  
黃池灣沚潰匪同時下竄不下七八萬人意在攻奪  
兩城以援金陵張國樑飭李若珠等迎擊斃賊二千  
餘名賊又分股攻撲江浦並橫截浦口大道我軍分  
路夾擊殺賊無算餘賊奪路狂奔著和春嚴飭在事  
將弁認真堵勦迅埽賊氛

上又諭內閣曰甯古塔副都統富明阿著幫辦和春軍

務

上又諭內閣曰江南提督張國樑帶兵勦賊以來時閱數載勤勞茂著上年揚州儀徵失陷該提督渡江援勦於兩旬之間先後收復旋卽回軍攻克溧水實屬調度有方著加恩賞給三等輕車都尉世職廣西右江鎮總兵李若珠每戰必先素稱勇敢此次隨同張國樑克復儀揚並於江甯鎮等處斃賊多名亦屬著

有勞績著加恩賞穿黃馬褂以昭懋賞

和春又奏言查南陵灣沚肅清後甯防兵力有  
餘臣原議由鄭魁士會合高淳東壩各軍規取  
蕪太以扼金陵上游迨江浦收復北岸援逆鴟  
張不能不先其所急因將金陵調赴甯國高淳  
東壩等處留防兵勇抽調渡江昨准鄭魁士函  
稱黃池北岸賊壘暨方村石硊老鴉山孤山壩

一帶地方未經克復尙須節節掃除應俟各路廓清再行察看軍情設法進剿臣仍函囑鄭魁士就現在兵力相機攻拔並飭留守高湧東壩溧水之總兵張玉良等嚴密防維奏入報

聞

二十四日乙丑曾國藩奏言查道員蕭啟江由石

城赴援贛州於十六日抵南康探得前陷南安

之賊衆至七八萬圖由南康進犯贛州在新城  
墟地方築立僞城其首逆則踞池江地方爲第  
二巢傳聞石達開尙在此路勢甚狼狽十七日  
蕭啟江偵知賊衆兵單難以力取遂傳令偃旗  
息鼓令知縣周慶榕等出隊誘賊楚軍設伏待  
之賊卽擁出六七萬人我軍佯敗該逆猛追七  
八里楚軍伏兵四起先將去路截斷參將梁萬

貴等乘勢截殺追逐九十餘里斃賊二千餘名  
立卽攻克新城墟三十二十四等日蕭啟江復  
擬攻池江賊巢仍伏兵小溪一帶誘賊對岸村  
莊突出四五千賊捲旗而前我軍進擊轟賊多  
名田勇亦到賊黨奔逃我軍離營太遠遂未窮  
追卽將小溪鳳凰城長江墟等處賊巢焚燬敗  
賊均竄近南安府城一帶正欲跟追適接周汝

筠函稟信豐被圍勢甚喫緊不能不先其所急  
且信豐崇義未靖若我軍進逼南安亦虞後路  
抄截蕭啟江遂分軍嚴紮新城墟要隘而潛率  
所部馳赴信豐西路總兵遮克敦布現紮信豐  
北路約期環攻冀可迅解城圍然後會合遮克  
敦布進攻南安庶兵力厚而無牽綴之慮所有  
此次陣亡之藍翎都司龍復勝等十七員先行

開列應請

飭部各照本職從優議卹以慰忠魂奏入

上諭內閣曰此次官軍馳抵南康勦匪大勝攻克新城  
墟等處賊巢並赴援信豐勦辦尙屬認真著曾國藩  
飭令蕭啟江等迅解信豐城圍以圖克復南安所有  
陣亡之都司龍復勝等十七員均著交部各照本職  
從優議卹

曾國藩又奏言上年三月臣調張運蘭等進剿景德鎮賊巢該員等於臘月十五日由樂平馳赴柳家灣探得鎮賊三四萬人與婺源賊相爲掎角道員王文瑞張運蘭等分路進攻景德鎮各巢之賊擁出約二萬人直撲王文瑞所站山岡都司朱寬義等竭力禦之又得吉左營接應賊不敢逼二十七日張運蘭王文瑞各派隊伍

會同團勇三路齊進賊隊已出萬餘人來撲張  
運蘭等分路衝擊賊黨敗奔旋復回拒王文瑞  
等包抄截擊已將浮梁援賊擊敗又從北路橫  
截該逆卽棄械狂奔追至上下李村賊遂棄巢  
而遁是日破上下李村二巢殲賊二千名正月  
十一日復出六成隊進攻該逆死守鎮巢不敢  
復出臣現添調九江道沈葆楨所統之平江各

聞

曾又調祥字營一軍赴鎮助勦奏入報

同日閩浙總督王懿德福建巡撫慶端奏詳查連城克復後據汀漳龍道英樸稟稱正月十三日粵東兵勇失利逆匪由莒溪一帶竄擾龍巖州城中兵力單薄卽被攻陷查龍巖壞接汀漳旁竄歧擾在在需防臣等卽調精兵一千名交

卸署建甯鎮林向榮統帶馳赴攻剿未到以前  
委令護理金門鎮總兵蔡潤澤先行帶兵六百  
名馳赴漳龍交界之水潮地方進剿以期迅圖  
克復英模駐師龍巖督勦不力州城失守實屬  
咎無可辭相應請

會將福建汀漳龍道英模卽行革職仍勒令迅將龍巖  
州城剋期收復以贖前愆儻再不知愧奮另行

從嚴叅辦署龍巖州知州福增身任地方厥罪  
尤重並請革職拏解來省審明辦理此外文武  
下落及陣亡員弁兵勇另行查明覈辦奏入  
上諭內閣曰福建連城克復後餘匪竄擾莒溪一帶攻  
陷龍巖州城著王懿德等嚴飭總兵林向榮等分途  
進剿迅克城池汀漳龍道英樸駐兵龍巖督剿不力  
著卽行革職仍飭令迅圖克復儘再不知愧奮卽行

從嚴參辦署龍巖州知州福增身任地方情罪尤重  
著革職拏交王懿德審明辦理其餘文武下落及陣  
亡員弁兵勇並著查明具奏

二十六日丁卯曾國藩奏言查道員蕭啟江等攻  
克新城墟池江一帶賊巢後擬卽直取南安遂  
親率所部協同知縣周慶榕等進紮青龍黃隴  
一帶地方賊見我軍大至卽行逃竄官軍尙未

入城正在追殺探報西北路烽火相連時有賊  
旗登山瞭望知賊故空此城誘我深入是夜陶  
張兩逆首率萬餘人回屯城內正籌勦間而信  
豐警報沓來欲赴援則南安功在垂成欲不赴  
則信豐萬分危急因定議初三日大舉攻勦卽  
分數路進發賊亦分路迎拒我軍槍礮火箭同  
時並舉陣斬悍賊二三百名賊黨奔潰入城我

軍跟蹤而入轉瞬間東北兩門盡插官軍旗幟  
賊由西門奪路奔逃追擊二十里敗賊仍分兩  
路鼠竄一由浮江西坑一由義安等處皆係往  
粵之路是日克復府城共斃賊六百餘名蕭啟  
江克復城池後以信豐緊急隨於初五日貌率  
所部取道赴援信邑並派都司黎得盛留勇八  
百人駐守南安會同周慶榕等搜捕餘匪除管

帶練勇田勇之周慶椿及各官紳等應由撫臣  
耆齡奏報外其楚軍出力員弁兵勇合無仰懇

皇上天恩容臣擇尤保獎以昭激勵布政使銜卽選道

蕭啟江久著戰功老成果毅可否

賞加勇號之處出自

鴻恩奏入

上諭內閣曰此次官軍攻克南安府城卽選道蕭啟江

著賞給額喀斯圖巴圖魯名號仍著率領所部赴援  
信豐迅解城圍其餘出力員弁兵勇著曾國藩擇尤  
保奏至周慶榕等官紳練勇著者齡屢實奏獎並卽  
責成搜捕餘匪以靖地方

同日王懿德慶端奏言查逆匪竄踞龍巖州城  
分門屯紮希圖久占經英樸調派都司賴正修  
等先後馳往進剿並由署龍巖州福增糾集壯

丁隨同賴正修等分路協勦卽於正月二十三日約會城內被擄紳民作爲內應賴正修一軍由東路進福增等由西路進經城內紳民乘機開城我軍三路進攻該逆四竄奔逃經官軍殲斃二百餘名立時克復州城臣等查該逆竄踞州城甫及旬日卽經汀漳龍道英樸督飭官軍剋期恢復勦辦尙屬妥速可否量予鼓勵之處

伏候

恩施在事尤爲出力各員及傷亡勇士容俟查明分別

辦理奏入

上諭內閣曰福建連城克復後餘匪竄入龍巖州城已革汀漳龍道英樸卽派都司賴正修等帶勇進攻立將州城克復已革汀漳龍道英樸於旬日之間將城池收復功過尙足相抵著開復原官免其查議仍以

道員留於福建補用在事尤爲出力各員弁及傷亡  
勇丁著該督查明奏請獎卹

同日耆齡奏言查南安逆匪分陷崇義經兼理  
南安府知府周汝筠前署崇義縣知縣朱淵等  
調集練勇進攻於二十五日克復崇義縣城卽  
選道蕭啟江一軍亦馳抵南康督同周慶榕等  
所帶練勇進剿大獲全勝於三十日克復南安

府城餘匪向湖南桂東縣遁去該處與吉安府屬龍泉永甯等縣相近現經臣飛檄吉安府轉飭各該縣確探嚴防並咨湖南撫臣飭屬兜勦奏入報

聞

二十七日戊辰勝保翁同書奏言查浦口李世忠一軍被圍日久十二等日九洑洲之賊大股

鑑擁而來後面小店汊河匪衆同時來擇李世忠出兵擊退十三十五等日該逆復有萬餘人前來猛撲亦被擊回現在提督張國樑已由新江口紮營多座連至浦口南面似可無虞惟後路小店汊河賊勢甚熾臣等業已飛飭派援各軍星夜前進據探烏衣踞賊聞大隊將至卽竄併汊河小店二處各軍卽當乘勢進紮烏衣要

隘順擣汊河小店惟皖營之軍不敷分布若江北之軍不先將浦口援賊合力殲勦則六合一城亦終覺攻克爲難現雖有江南張國樑新調之軍在江浦駐紮亦祇能顧及浦口之南而不能顧及浦口之北今江北各軍杳無來信若使汊河一帶無皖兵進擊浦口一軍勢必立足不住爲患何可勝言目下江北軍無統帥已統歸

和春節制皖境與江北毗連彼此應援之事甚  
多現已飛咨和春趕緊籌畫庶可緩急有恃免  
誤事機奏八

上命軍機大臣傳諭和春張國樑富明阿曰據勝保等  
奏十二二兩日九洑洲夥賊來撲經李世忠擊退與  
和春前奏相符惟十三至十五日該逆又復添黨前  
來張國樑已由新江口紮營連至浦口南面固可無

虞後路尙須兼顧現經勝保飭派兵勇馳往烏衣鎮  
以冀順擣汊河小店斷賊來援惟兵力尙單亟需江  
北一軍合力攻勦著和春等與勝保和衷共濟遇有  
緊要咨調之事卽著富明阿一面迅速檄兵策應一  
面咨明和春以免耽延貽誤

二十九日庚午駱秉章奏言查石達開一股由江

西信豐竄陷南安府城分擾崇義縣臣恐其大

股由崇義竄楚卽札調候補總兵劉培元參將  
彭定太等馳赴桂陽縣防堵嗣據劉培元彭定  
太等飛稟正月二十六日賊衆已竄至桂陽該  
員等分隊迎剿弁勇均百戰之餘不以賊多爲  
意縱橫血戰數時之久賊愈集而勇愈單遂以  
不支劉培元彭定太突出重圍遙望本營已被  
賊踏毀歸路亦斷是夜由僻路馳回縣城則團

局已散桂陽縣知縣董繼芳參將常明等當官  
軍接仗時亦帶兵助戰被賊衝散二十八日賊  
卽竄入縣城桂陽旣陷郴屬俱爲震動署宜章  
縣知縣吳清鵠署宜章營參將鍾萬陞與甯縣  
知縣彭嗣昌等各率兵圍分投出堵然皆勢力  
微弱不足以當大股悍賊二月初八日賊撲吳  
清鵠官渡營盤吳清鵠接仗失利賊以馬隊乘

之縣城遂失該匪卽由秀流河徑撲興甯城彭  
嗣昌回救不及縣城亦失現在南安大股賊匪  
絡繹竄楚人數號稱十數萬接道員蕭啟江南  
安來稟二月初三日已收復南安城池逆賊大  
股復又竄楚其人數亦號稱二十萬是逆賊全  
數盡注湖南可知湖南南路桂陽縣與粵東接  
境之連州陽山殷匪甚多江華永明與粵西接

境該處賀縣城久爲賊踞皆係積年兇悍之徒  
兩粵所未能除者今大股旣陸續竄入其必互  
相勾結可知恐衡永郴桂一帶將無完土臣於  
接到各處警報後卽調補用道劉長佑趙煥聯  
劉坤一江忠義王勳周寬世等各召集舊部共  
圖討賊其已成軍者四千九百餘名先後調赴  
安仁茶陵交界一帶取齊進勦其餘札調各勇

約共一萬數千名須旬月後始可陸續到齊派  
撥蕭啟江一軍四千餘人本是援江之軍今賊  
已由江竄楚蕭啟江自應馳回勦辦請

飭下前兵部侍郎曾國藩及江西撫臣飭其由閒道馳

歸聽臣調度抑臣竊有請者逆賊所最畏者官  
軍之水師馬隊湖南水師尙易求精若馬隊則  
湖南各軍惟在鄂省尙習見之餘則莫睹其利

而賊反得以此眩我故雖精銳兵勇亦往往爲其所乘卽接獲勝仗又不能盡力窮追每致兇渠免脫應請

旨飭下荊州將軍都興阿及湖北督撫臣速揀馬隊二百派得力之員管帶赴湘助勦此次失守城池各文武及陣亡弁勇容卽查明分別辦理奏入上命軍機大臣傳諭官文都興阿胡林翼駱秉章曰江

西南安等處大股賊匪屢陷湖南桂陽宜章興甯三  
縣現經駱秉章調集兵勇大舉進攻惟亟須馬隊以  
資追勦卽著於都與阿所部官軍內抽撥精壯馬隊  
二百名派得力員弁管帶前赴湖南聽候調遣並由  
官文胡林翼催趨前進毋稍遲誤至此股賊匪人數  
衆多蓄謀兇狡除蕭啟江一軍已照駱秉章所請諭  
令耆齡曾國藩迅飭回楚外其由該撫調派之道員

劉長佑等軍務當飭令迅速進剿以期收復各城盡殲醜類其失守地方之文武員弁並著查明叅奏以徵其餘

上又命軍機大臣傳諭曾國藩者齡曰江西南安大股賊匪突竄湖南攻陷桂陽宜章興甯三縣城池此股逆匪旣全數撲擾湖南且恐勾結粵東接境之匪竄及衡永郴桂一帶蕭啟江一軍四千餘人本係派援

江西勦辦南安賊匪昨已據報克復府城今賊既由江竄楚亟應馳回勦辦著曾國藩耆齡卽飭蕭啟江統帶所部兵勇由間道馳回湖南聽候駱秉章調遣以資堵勦

同日和春奏言查江浦縣之雙陽圍蕭家圍兩處形勢極險要我軍分投攻勦未暇於該處紮營十八日突有悍賊五六千潛於圍內趕築堅

壘三座木卡一重該處係浦口江浦來往要道  
設令日久負嵎則轉餉濟師皆爲攔截於軍務  
大有關礙張國樑因分飭總兵王浚李若珠督  
同副將劉萬德等五路齊發直薄圩圍該逆離  
巢踞險槍礮連環不絕並以馬隊悍賊躉水過  
河意在兩面包抄接仗一時許其勢稍卻忽包  
公廟九洑洲各出逆股約一萬數千趨擁而來

熊天喜周天培分投迎剿張國樑見賊勢浩大  
卽身先士卒親自搏戰我兵無不踴躍爭先王  
浚李若珠周天培各率所部奮力衝突擊斃匪  
衆不可勝計於是五路官軍乘勝搶險一擁而  
前賊衆膽落無所措手我軍摩壘畢登遂將賊  
營三座木卡一道立時攻毀共計殲斃逆黨千  
餘斬獲三百餘級我軍卽因賊壘而營俾往來

聞

要路一律疏通實於全局大有裨益奏入報